

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Z E N I C A
Broj: T04 0 KT 0043768 21
Zenica, 16.04.2021. godine**

OPĆINSKI SUD U ZENICI

Na osnovu člana 45. stav 1. i 2. tačke i) i člana 241. stav 1., člana 242. Zakona o krivičnom postupku Federacije Bosne i Hercegovine (ZKP F BiH), p o d i ž e m

O P T U Ź N I C U

Protiv osumnjičenog:

HUSEJNOVIĆ ČERIMA, iz Zenice, neosuđivan,

Što je:

1. dana 20.11.2020. godine oko 03,20 sati u mjestu Šerići, Grad Zenica, u naseljenom dijelu u blizini stambenih objekata, pucanjem iz vatrenog oružja izazvao opasnost za život ljudi, na način da je, iako je bio svjestan da pucanjem iz vatrenog oružja na navedenom mjestu, dovodi u opasnost i ugrožava živote ljudi, i da usljed takvog njegovog pucanja iz vatrenog oružja može doći do povređivanja i smrti ljudi, na šta je i pristao, iz automatske puške rumunjske proizvodnje, serijskog broja ACJ44070, model PM md 63, kalibra 7,62 mm, proizvedena po uzoru na sovjetski AK-47, koju je neovlašteno, ispalio četiri metka,
2. dana 20.11.2020. godine oko 03,20 sati u mjestu Šerići, Grad Zenica, suprotno odredbama člana 3., 6a. i 6b. stav 1. tačka a) Zakona o nabavljanju, držanju i nošenju oružja i municije ZDK (Sl. n. ZDK broj 9/2013), držao automatsku pušku rumunjske proizvodnje, serijskog broja ACJ44070, model PM md 63, kalibra 7,62 mm, proizvedena po uzoru na sovjetski AK-47 i 25 (dvadesetpet) komada puščanih metaka, od čega su 23 (dvadesettri) meci kalibra 7,62x39 mm i 2 (dva) metka kalibra .45 ACP (metrička oznaka 11,43x23 mm), iako je znao i bio svjestan da se radi o zabranjenom oružju, te da drži oružje i municiju čije je nabavljanje, držanje i nošenje zabranjeno građanima, a što je i htio,

čime bi učinio krivično djelo „Izazivanje opće opasnosti“ iz člana 323. stav 1. KZ F BiH u sticaju sa krivičnim djelom „Nedozvoljeno držanje oružja ili eksplozivnih materija“ iz člana 371. stav 1. KZ F BiH, a u vezi sa čl. 54. KZ F BiH.